

## Z A P I S N I K

Sa godišnje sjednice Skupštine Bosansko-podrinjskog kantona Goražde održane 29. decembra 2009. godine u sali Skupštine Bosansko-podrinjskog kantona Goražde sa početkom u 10:00 sati.

Sjednici Skupštine Bosansko-podrinjskog kantona Goražde prisustvuje 22 poslanika, i to: poslanici Stranke demokratske akcije: Begović Alija, Tafro Hasan, Dozo Hasan, Mulahmetović Mirsad, Halilović Adis, Ferhatović Jasmin, Obuća Bajro, Agović Adis i Borović Mensud, poslanici Stranke za Bosnu i Hercegovinu: Turčalo Mehmed, Adžem Memsur, Žuga Damir, Kumro Mesud, Podrug Salko, Rahman Ferid i Džemidžić Envera, poslanici Socijaldemokratske partije Bosne i Hercegovine: Bašić Redžo, Frašto Emir, Imamović Ibrahim i Bilić Dragomir, poslanica Stranke radom za boljitak Milović Daliborka i poslanik Bosanskohercegovačke patriotske stranke – Sefer Halilović Terović Dževad.

Sa sjednice odsutni poslanici Socijaldemokratske partije Bosne i Hercegovine Kožo Mersudin i Mujković Dževida i poslanica Stranke za Bosnu i Hercegovinu Omerbašić Jasmina.

Pored poslanika Skupštine Bosansko-podrinjskog kantona Goražde sjednici prisustvuju: Premijer Bosansko-podrinjskog kantona Goražde Uruči Nazif, sekretar Skupštine Bosansko-podrinjskog kantona Goražde Bašić Midhat, sekretar Vlade Bosansko-podrinjskog kantona Goražde Sijerčić Emir, ministri u Vladi Bosansko-podrinjskog kantona Goražde: Pleh Muhidin, Nedimović Vladimir, Sipović Nusret, Kurtović Mustafa, Delizaimović Alma, Imamović Demir i Janković Radmila, Hodo nafija direktorica J.U. Službe za zapošljavanje Bosansko-podrinjskog kantona Goražde, predstavnici Njemačkog LOT tima, te predstavnici sredstava javnog informisanja.

Skupštinom Bosansko-podrinjskog kantona Goražde predsjedava predsjedavajući Skupštine Alija Begović, a zapisnik vodi Burhan Safeta.

### **Begović Alija** – predsjedavajući Skupštine

Prije nego što predložim dnevni red moram vas upoznati da je prilikom usvajanja Odluka vanbudžetskih fondova, Zavoda zdravstvenog osiguranja Bosansko-podrinjskog kantona Goražde i J.U. Službe za zapošljavanje Bosansko-podrinjskog kantona Goražde na prošloj sjednici Skupštine napravljena je jedna materijalna pogreška. U dnevnom redu su stajale odluke o Finansijskim planovima. Skupština Bosansko-podrinjskog kantona Goražde, nakon što smo detaljno razmotrili zakonski okvir, ipak, donosi odluke o davanju saglasnosti na finansijske planove. Samo želim da skrenem pažnju poslanicima na ovu popravku, da ćemo prilikom izrade zapisnika ove stavke popraviti tehnički i dodati – Prijedlog Odluke o davanju saglasnosti na Odluku o izmjenama i dopunama Finansijskog plana J.U. Službe za zapošljavanje Bosansko-podrinjskog kantona Goražde i Prijedlog Odluke o davanju saglasnosti na Odluku o izmjenama i dopunama Finansijskog plana Zavoda zdravstvenog osiguranja Bosansko-podrinjskog kantona Goražde.

Kolegij Skupštine Bosansko-podrinjskog kantona Goražde za godišnju sjednicu Skupštine predložio je slijedeći:

### **D n e v n i r e d**

- 1/ Razmatranje implementacije ciljeva i politike Skupštine Bosansko-podrinjskog kantona Goražde za 2009. godinu,
- 2/ Prezentacija ciljeva i politike Bosansko-podrinjskog kantona za 2010. godinu,
- 3/ Program rada Vlade Bosansko-podrinjskog kantona Goražde za 2010. godinu,
- 4/ Program rada Skupštine Bosansko-podrinjskog kantona Goražde za 2010. godinu,
- 5/ Prijedlog Budžeta Bosansko-podrinjskog kantona Goražde za 2010. godinu,
- 6/ Prijedlog Zakona o izvršenju Budžeta Bosansko-podrinjskog kantona Goražde za 2010. godinu,

Mi smo jučer dobili tekst Finansijskog plana J.U. Službe za zapošljavanje Bosansko-podrinjskog kantona Goražde i na Kolegiju smo zamoljeni, obzirom na određene okolnosti i važnosti da se donese Finansijski plan umjesto Odluke o privremenom finansiranju, a budući da je spreman tačka 7. bi trebala glasiti:

7/ Prijedlog Odluke o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za period za 2010. godinu,

8/ Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. – 31. 03. 2010. godinu.

Prijedlog Zakona o izvršenju Budžeta Bosansko-podrinjskog kantona Goražde za 2010. godinu predviđen je hitni postupak, budući da nismo razmatrali Nacrt Zakona o izvršenju Budžeta BPK-a Goražde za 2010. godinu.

Otvaram raspravu o predloženom dnevnom redu.

**Žuga Damir** – Prije nego što predložim izmjene i dopune dnevnog reda ove godišnje sjednice osvrnut ću se na Poslovnik Skupštine Bosansko-podrinjskog kantona Goražde.

U članu 56. stav 4. kaže se da Skupština drži godišnje sjednice, da se to radi u mjesecu decembru i kaže se šta se to razmatra na tim godišnjim sjednicama, pa se, između ostalog, kaže: „Godišnje sjednice Skupštine održavaju se jednom godišnje u mjesecu decembru razi razmatranja:

- a) implementacije ciljeva i politike Skupštine za proteklu godinu;
- b) prezentacija ciljeva i politike Kantona za narednu godinu;
- c) razmatranje Programa rada Vlade Kantona za narednu godinu;
- d) usvajanje Programa rada Skupštine za narednu godinu;
- e) rasprave i usvajanja Budžeta Kantona za narednu godinu i Zakona o izvršenju Budžeta za narednu godinu“.

Ako se osvrnete na član 60. vidjet ćete da nigdje nije precizirano kada mi treba da dobijemo materijale za ovu sjednicu. Logično bi bilo da važi član 60., dakle, još jedna manjkavost u našem Poslovniku i treba taj Poslovnik mijenjati, jer u članu 60. kaže se: „Poziv za redovnu sjednicu Skupštine upućuje se poslanicima, Vladi Kantona i ostalim učesnicima u sjednici, skupa sa prijedlogom dnevnog reda i materijalima po pojedinim tačkama dnevnog reda, najmanje 7 dana prije održavanja sjednice“.

To pravilo bi trebalo da važi i za ovu godišnju redovnu sjednicu. Nažalost, to ovdje ne piše, to je manjkavost, pa ću podijeliti s vama ovdje mišljenje da li vi smatrate opravdanim da smo mi cjelokupan materijal za ovu godišnju redovnu sjednicu dobili sinoć u 17:05 sati. Ja smatram da je ovo još jedan u nizu postupaka poslovnčkog propusta i da treba pod hitno sjesti i raditi na izmjenama ovog Poslovnika, ali ne onako kako je raspravljala Ustavna i zakonodavno-pravna komisija sa klubovima da oni dostavljaju prijedloge. Mi ćemo u mjesecu januaru ispoštovati to i dostavit ćemo veliki broj primjedbi i prijedloga za izmjenu i dopunu Poslovnika, ali mislim da bi bilo dobro da Kolegij formira radnu grupu ispred svih političkih partija za izradu novog Poslovnika.

Dalje, ne mogu a da ne kažem ko je po meni kriv za ono što mi danas nemamo, ili što nismo na vrijeme dobili ove materijale.

U članu 12. Poslovnika kaže se:

„(1) Predsjedavajući Skupštine ima pravo i dužnost da:

e/ Osigurava poštivanje načela i odredbi ovog Poslovnika, Poslovnika radnih tijela Skupštine i Kolegija;

- h/ Predsjedava sjednicama u skladu sa principima najboljih praksi demokratskog parlamentizma i odredbama ovog Poslovnika;
- k/ Stara se o sprovođenju Programa rada Skupštine.

Po meni je ovo propust predsjedavajućeg i Kolegija Skupštine koji predlaže dnevni red. Možda je ranije trebalo početi pripreme za ovu sjednicu.

Mi predlažemo da se tačka 2. i 3. Presentacija ciljeva i politike Bosansko-podrinjskog kantona za 2010. godinu i Program rada Vlade Bosansko-podrinjskog kantona Goražde za 2010. godinu, skinu s dnevnog reda, jer ih nismo dobili.

Takodjer, predlažemo da se Prijedlog Zakona o izvršenju Budžeta Bosansko-podrinjskog kantona Goražde za 2010. godinu razmatra po hitnom postupku.

**Begović Alija** – predsjedavajući Skupštine

U vezi sa dinamikom pripreme ove sjednice Skupštine moram reći da smo sa sjednice Kolegija u oktobru ove godine uputili dopis za predlaganje materijala za Program rada Skupštine za 2010. godinu. Smatramo da je to blagovremeno. U isto vrijeme upućeni su zahtjevi svim subjektima i onima koji trebaju pripremiti dokumente za ovu sjednicu. Mislim da ste svjedoci da smo i poslije toga uputili nekoliko urgencija i podsjećanja da ste to dužni napraviti. Slažem se da su materijali kasno stigli, ali za utjehu bolje ikad nego nikad. Kolegij je ispoštovao poslovničku odredbu i zakazali smo sjednicu u decembru sa svim tačkama koje su predložene.

**Bašić Redžo** - Predlažem da se tačka 4. Program rada Skupštine Bosansko-podrinjskog kantona Goražde za 2010. godinu razmatra u formi Nacrta zato što nismo dobili Program rada Vlade Bosansko-podrinjskog kantona Goražde i ne možemo bez tog Programa usvojiti Program rada Skupštine da vidimo da li je sve ono što je Vlada predvidjela inkorporirano u Program rada Skupštine.

Imamo prijedlog koji je Kolegij uradio u 2009. godini održano je 15 redovnih i 1 vanredna sjednica Skupštine gdje je razmatrano 120 tačaka dnevnog reda. Ovim Programom rada je predviđeno svega 100 tačaka, mislim da je to malo za vrijeme koje nas čeka u 2010. godini.

**Begović Alija** – predsjedavajući Skupštine

Kao predsjednik Kolegija i predsjedavajući Skupštine moram istaći da Program rada Vlade Bosansko-podrinjskog kantona Goražde za 2010. godinu nije dostavljen, tako da možemo prihvatiti prijedlog g-din Žuge da se ova tačka skine s dnevnog reda.

Za razmišljanje je da li tačka 4. da se razmatra u formi Nacrta, a to je: Program rada Skupštine Bosansko-podrinjskog kantona Goražde za 2010. godinu što je predložio g-din Bašić, što je u neku ruku i prihvatljivo budući da je Program rada Skupštine povezan sa Programom rada Vlade i ne može se donijeti definitivni Program bez usaglašavanja sa Programom rada Vlade. Mislim da i takav prijedlog možemo podržati, naravno poslanici će se očitovati.

Imamo još prijedlog g-dina Žuge da se tačka 2. Presentacija ciljeva i politike Bosansko-podrinjskog kantona za 2010. godinu skinu s dnevnog reda.

Od premijera sam izvješten da je ova tačka spremna i da će premijer svakako izvršiti prezentaciju ciljeva i politike Bosansko-podrinjskog kantona za 2010. godinu, kojeg on predstavlja kao premijer Kantona. Po mom mišljenju ovu tačku treba ostaviti na dnevnom redu, jer smo se na Kolegiju usaglasili da ova tačka može ići usmeno.

Stavljam na glasanje prijedlog g-dina Žuga Damira da se tačka 2. Presentacija ciljeva i politike Bosansko-podrinjskog kantona za 2010. godinu, skinu s dnevnog reda.

Ko je za, molim, da digne ruku? /8 poslanika/  
Ima li neko protiv? /Niko/  
Da li se neko uzdržao od glasanja? /14 poslanika/

Konstatiram da je Skupština Bosansko-podrinjskog kantona Goražde sa 8 glasova „za“ i 14 „uzdržanih“ glasova nije prihvatila prijedlog g-dina Žuga Damira da se tačka 2. . Presentacija ciljeva i politike Bosansko-podrinjskog kantona za 2010. godinu, skine s dnevnog reda.

Stavljam na glasanje prijedlog g-dina Žuga Damira da se tačka 3. Program rada Vlade Bosansko-podrinjskog kantona Goraže za 2010. godinu skine s dnevnog reda.

Ko je za, molim, da digne ruku? /22 poslanika/  
Ima li neko protiv? /Niko/  
Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ prihvatila prijedlog poslanika Žuga Damira da se tačka 3. Program rada Vlade Bosansko-podrinjskog kantona Goražde za 2010. godinu skine s dnevnog reda.

Stavljam na glasanje prijedlog g-dina Redža Bašića da se tačka 4. Program rada Skupštine Bosansko-podrinjskog kantona Goražde za 2010. godinu razmatra u formi Nacrta.

Ko je za, molim, da digne ruku? /22 poslanika/  
Ima li neko protiv? /Niko/  
Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ prihvatila prijedlog poslanika Bašić Redža da se tačka 4. Program rada Skupštine Bosansko-podrinjskog kantona Goražde za 2010. godinu razmatra u formi Nacrta.

Stavljam na glasanje prijedlog da se Prijedlog Zakona o izvršenju Budžeta Bosansko-podrinjskog kantona Goražde za 2010. godinu razmatra po hitnom postupku.

Ko je za, molim, da digne ruku? /22 poslanika/  
Ima li neko protiv? /Niko/  
Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ prihvatila da se Prijedlog Zakona o izvršenju Budžeta Bosansko-podrinjskog kantona Goražde za 2010. godinu razmatra po hitnom postupku.

Pozivam Vas da se izjasnimo o dnevnom redu uz izmjene koje smo usvojili.

Ko je za, molim, da digne ruku? /21 poslanik/  
Ima li neko protiv? /Niko/  
Da li se neko uzdržao od glasanja? /1 poslanik/

Konstatiram da je Skupština Bosansko-podrinjskog kantona Goražde sa 21 glasom „za“ i 1 „uzdržanim glasom usvojila slijedeći:

### **D n e v n i r e d**

- 1/ Razmatranje implementacije ciljeva i politike Skupštine Bosansko-podrinjskog kantona Goražde za 2009. godinu,
- 2/ Presentacija ciljeva i politike Bosansko-podrinjskog kantona za 2010. godinu,

3/ Program rada Skupštine Bosansko-podrinjskog kantona Goražde za 2010. godinu,  
4/ Prijedlog Budžeta Bosansko-podrinjskog kantona Goražde za 2010. godinu,  
5/ Prijedlog Zakona o izvršenju Budžeta Bosansko-podrinjskog kantona Goražde za 2010. godinu /hitan postupak/,  
6/ Prijedlog Odluke o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za 2010. godinu,  
7/ Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. – 31. 03. 2010. godinu.

### **Tačka 1.-**

Prelazimo na 1-vu tačku dnevnog reda Razmatranje implementacije ciljeva i politike Skupštine Bosansko-podrinjskog kantona Goražde za 2009. godinu.

Obrazloženje po ovoj tački dnevnog reda dao je predsjedavajući Skupštine Bosansko-podrinjskog kantona Goražde Begović Alija.

**Begović Alija** – predsjedavajući Skupštine

Otvaram raspravu po ovoj tački dnevnog reda.

U diskusiji po Implementaciji ciljeva i politike Skupštine Bosansko-podrinjskog kantona Goražde za 2009. godinu, učestvovao je Žuga Damir.

**Bašić Redžo** – Predlažem da u prvoj narednoj izmjeni Poslovnika Skupštine Bosansko-podrinjskog kantona Goražde ova tačka glasi: Razmatranje implementacije Programa rada Skupštine Bosansko-podrinjskog kantona Goražde za proteklu godinu i onda bi imali pravu sliku šta je to ostvareno, a šta nije uradjeno iz Programa rada Skupštine.

Dalje, u diskusiji, po ovoj tački dnevnog reda učestvovali su: Obuća Bajro i Frašto Emir.

**Agović Adis** – Predlažem da Skupština Bosansko-podrinjskog kantona Goražde donese Zaključak kojim će zadužiti Vladu Bosansko-podrinjskog kantona Goražde da za narednu sjednicu pripremi sve nerealizirane zaključke i inicijative koje je ova Skupština donijela i da Skupština o tome vodi diskusiju.

**Begović Alija** – predsjedavajući Skupštine

Mislim da taj Zaključak imamo još od prije kojeg je pokrenuo g-din Terović i mi čekamo da se oni subjekti na koje se odnose očituju. Ne možemo raspravljati dok ne dobijemo odgovore.

Dalje, u diskusiji je učestvovao Tafro Hasan.

**Begović Alija** – predsjedavajući Skupštine

Tačka se zove „Implementacija ciljeva i politike Skupštine“. Da bi smo razmatrali implementaciju nečega trebali smo imati najprije zadane ciljeve i politike. U tom smislu predlažem da prilikom izrade Programa rada Skupštine Bosansko-podrinjskog kantona Goražde za 2010. godinu sadrži Poglavlje – Ciljevi i politika Skupštine Bosansko-podrinjskog kantona Goražde uz sve tačke koje trebamo donijeti, onakav izgled kakav je inače, pa bi onaj ko bude pravio Izvještaj za ovu godinu imao konkretne zadane ciljeve, pa da analizira koliko su implementirani. Svidja mi se prijedlog g-dina Redža Bašića da se tačka ne zove „Implementacija ciljeva i politike“, nego razmatranje izvršenja

Programa rada Skupštine, s tim što će sam Program, ukoliko se složite samnom, imati i ciljeve i politike, a to zahtjeva izmjene Poslovnika.

Pošto se niko više ne javlja za riječ zaključujem raspravu po ovoj tački dnevnog reda i konstatujem da je Skupština obavila raspravu o implementaciji ciljeva i politike Skupštine Bosansko-podrinjskog kantona Goražde za 2009. godinu.

Stavljam na glasanje prijedlog g-dina Agović Adisa da Vlada Bosansko-podrinjskog kantona Goražde dostavi Skupštini Bosansko-podrinjskog kantona Goražde Izvještaj o nerealizovanim Zaključcima i inicijativama donesenim od strane Skupštine Bosansko-podrinjskog kantona Goražde.

Ko je za, molim, da digne ruku? /22 poslanika/

Ima li neko protiv? /Nio/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ donijela slijedeći:

### **Z a k l j u č a k**

Traži se od Vlade Bosansko-podrinjskog kantona Goražde da za narednu sjednicu Skupštine Bosansko-podrinjskog kantona Goražde, pripremi Izvještaj o nerealizovanim zaključcima i inicijativama koje je donijela Skupština Bosansko-podrinjskog kantona Goražde.

### **Tačka 2.-**

Prelazimo na 2-gu tačku dnevnog reda: Prezentacija ciljeva i politike Bosansko-podrinjskog kantona za 2010. godinu.

**Uruči Nazif** – premijer Bosansko-podrinjskog kantona Goražde – prezentirao je ciljeve i politiku Bosansko-podrinjskog kantona Goražde za 2010. godinu.

U diskusiji, po ovoj tački dnevnog reda, učestvovali su: Begović Alija, Žuga Damir, Frašto Emir, Kurtović Mustafa ministar za privredu u Vladi Bosansko-podrinjskog kantona Goražde, Kumro Mesud, Terović Dževad, Obuća Bajro, Turčalo Mehmed i Džemidžić Envera.

**Begović Alija** – predsjedavajući Skupštine

Pošto se niko više ne javlja za riječ, zaključujem raspravu po ovoj tački dnevnog reda i zahvaljujem premijeru na prezentaciji ciljeva i politike Bosansko-podrinjskog kantona Goražde za 2010. godinu.

### **Tačka 3.-**

Prelazimo na 3-ću tačku dnevnog reda: Nacrt Programa rada Skupštine Bosansko-podrinjskog kantona Goražde za 2010. godinu.

Otvaram raspravu po Nacrtu Programa rada Skupštine Bosansko-podrinjskog kantona Goražde za 2010. godinu.

**Obuća Bajro**

Predlažem da na današnjoj sjednici utvrdimo Nacrt Programa rada Skupštine Bosansko-podrinjskog kantona Goražde za 2010. godinu i možda ostavimo rok od 30 dana za javnu raspravu kako bi se mogao dati doprinos u smislu unapređenja ovog Programa rada. Također predlažem da svi zainteresovani svoje prijedloge za Program rada Skupštine Bosansko-podrinjskog

kantona Goražde za 2010. godinu dostave u pismenoj formi i da se provede usaglašavanje sa Programom rada Vlade, da bi dobili što bolji prijedlog.

U Program rada nisu unešeni zakoni koji su utvrđeni u formi Nacrta u ovoj godini, a ne u formi Prijedloga, i njih bi svakako trebalo upisati u Program rada Skupštine BPK-a Goražde za 2010. godinu i to u I tromjesečju, a to su:

- Zakon o držanju, nabavljanju i nošenju oružja i municije na području Bosansko-podrinjskog kantona Goražde; Nacrt je utvrđen na 24-toj sjednici održanoj 11. juna 2009. godine;
- Zakon o izmjenama i dopunama Zakona o srednjoj školi. On je bio u formi prijedloga i usvojen je na Vladi, a bio je na razmatranju na 23-ćoj sjednici održanoj 19. maja 2009. godine;
- Zakon o sudskim taksama. Nacrt je utvrđen na 27-moj sjednici održanoj 24. avgusta 2009. godine;
- Zakon o visokom obrazovanju. Nacrt je utvrđen na 30-toj sjednici održanoj 17. novembra 2009. godine;
- Zakon o vodama. Nacrt je utvrđen na 30-toj sjednici održanoj 17. novembra 2009. godine;
- Zakon o izmjenama i dopunama Zakona o porezu na promet nepokretnosti i prava koji je utvrđen na 28-moj sjednici održanoj 8. oktobra 2009. godine;
- Zakon o pripadnosti javnih prihoda u Bosansko-podrinjskom kantonu Goražde i finansiranju Bosansko-podrinjskog kantona Goražde. Jučer je bila javna rasprava.

To je 7 zakona jer je već utvrđen Nacrt i po nekoj logici stvari treba ići sa daljom procedurom.

Dalje, ono što smo upisivali u 2008. i 2009. godini, a što nije realizovano treba postaviti pitanje, prije svega, onim koji kandiduju određene tačke dnevnog reda, je li to realno i da li ponovo treba da nam se ponavlja u 2010. godini. Ako nije realno i ako nije opravdano bolje da se ne nalazi u Programu rada Skupštine.

Pročitat ću zakone koji u 2009. godini nisu, čak, ni u formi Nacrta došli na Skupštinu:

- 1/ Zakon o izmjenama i dopunama Zakona o Agenciji za privatizaciju u Bosansko-podrinjskom kantonu Goražde;
- 2/ Zakon o izmjenama i dopunama Zakona o kantonalnim ministarstvima i drugim tijelima kantonalne uprave;
- 3/ Zakon o izmjenama i dopunama Zakona o koncesijama;
- 4/ Zakon o inspekcijama;
- 5/ Zakon o izmjenama i dopunama Zakona o Vladi BPK-a Goražde;
- 6/ Zakon o robnim rezervama;
- 7/ Zakon o obrtu;
- 8/ Zakon o sprečavanju nereda na sportskim takmičenjima Bosansko-podrinjskog kantona Goražde;
- 9/ Zakon o pružanju besplatne pravne pomoći;
- 10/ Zakon o unutrašnjim poslovima Bosansko-podrinjskog kantona Goražde;
- 11/ Zakon o lokalnoj samoupravi ili Zakon o prestanku važenja Zakona o lokalnoj samoupravi BPK-a Goražde;
- 12/ Zakon o izmjenama i dopunama Zakona o sportu.

Ovu su samo Zakoni koje smo imali u Programu rada Skupštine za 2009. godinu, a najveći broj, čak, i za 2008. godinu koji ni u formi Nacrta nisu stigli do Skupštine. Vjerovatno dobar dio i iz objektivnih okolnosti, nisu neki federalni propisi donešeni pa se čeka, možda i iz subjektivnih razloga, ja neću da ulazi u tu analizu, ali molim da te iste greške ne ponovimo i u 2010. godini.

**Tačke 63. i 98.** u ovom Prijedlogu Programa rada za 2010. godinu govore o manje-više istim stvarima.

**Tačka 63.** je: Informacija iz oblasti turizma na području Bosansko-podrinjskog kantona Goražde, a 98. Informacija o stanju turističko-ugostiteljske djelatnosti na području Bosansko-podrinjskog kantona Goražde.

Predlažem da ove dvije tačke objedinimo i da se razmatraju u II tromjesečju, ali da tačka glasi: Informacija o stanju turističko-ugostiteljske djelatnosti na području Bosansko-podrinjskog kantona Goražde.

#### **Tačke 69. i 94.**

Tačka 69. je Izvještaj o radu skupštinskih komisija u 2009. godini, a u 94. je Izvještaj o radu stalnih, povremenih, privremenih radnih tijela Skupštine BPK-a Goražde. Ja bih naslov tačke 94. zadržao, ali bih ga pomjerio na 69. Naravno, u tački 69. ne može biti obradivač Skupština BPK-a Goražde, pa čak ni predlagač, to mogu kako je napisano u tački 94., radna tijela. Pošto je 2010. godina apelujem da se najviše tačaka iz Programa usvoji na prva dva, eventualno tri tromjesečja.

Takodjer predlažem da se konstituirajuća sjednica ugradi u Program rada Skupštine.

**Tačka 29.** Program borbe protiv bolesti ovisnosti i zloupotrebe opojnih sredstava. Ovdje je predviđeno da je obradivač Ministarstvo unutrašnjih poslova. Ja bih sugerisao da obradivač bude Ministarstvo za obrazovanje, nauku, kulturu i sport, ali da se uključe i ova dva ministarstva, Ministarstvo unutrašnjih poslova i Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde. Predlagač bi bila Vlada.

**Tačka 34.** Akcioni plan politike za mlade u Bosansko-podrinjskom kantonu. Obradivač i predlagač Vlada. Zašto ovo govorim. Zato što se u Programu rada za 2009. godinu tačka zvala: Položaj mladih i omladinskog sektora u Bosni i Hercegovini sa posebnim akcentom na Bosansko-podrinjski kanton Goražde. To je tačka koju ja kao poslanik nisam dobio. Po meni bi trebalo ovo prvo da se razmotri, pa na osnovu te jedne „dijagnoze“, da idemo sa Akcionim planovima. Ovdje bi trebalo dodati pored Vlade da još neko bude obradivač, zašto ne i predlagač.

**Tačka 36.** Zakon o inspekcijama. Predlagač i obradivač Kantonalna uprava za inspeksijske poslove BPK-a Goražde. Ja koliko znam oni ne mogu biti predlagač. Zna se ko su ovlašteni predlagači. Predlažem da se umjesto: Predlagač Kantonalna uprava za inspeksijske poslove BPK-a Goražde stavi Vlada Bosansko-podrinjskog kantona Goražde.

Isto tako u tački 37. koji se odnosi na obradivača umjesto Vlada Bosansko-podrinjskog kantona Goražde trebalo bi staviti sva ministarstva, a Vlada je predlagač.

**Tačka 44.** Izvještaj Ureda za reviziju Federacije Bosne i Hercegovine za 2009. godinu. Obradivač: Ured za reviziju Federacije Bosne i Hercegovine, a predlagač: Vlada Bosansko-podrinjskog kantona Goražde. Po meni ne može Vlada biti predlagač. To je jedan dokument koji dodje od Ureda za reviziju Federacije Bosne i Hercegovine i samo u formalno-pravnom smislu između Ureda za reviziju i Skupštine, to na odredjen način prodje kroz Vladu koja da možda neko mišljenje ili sugestije.

**Tačka 46.** Izvještaj o radu i finansijskom poslovanju javnih ustanova i preduzeća čiji je osnivač Bosansko-podrinjski kanton Goražde. Ponovo Vlada Bosansko-podrinjskog kantona Goražde obradivač. Vlada ne može biti obradivač nego ti izvještaji dolaze iz javnih ustanova, javnih preduzeća čiji je osnivač BPK-a Goražde i znaju se tamo organi upravljanja koji te dokumente usvajaju.

**Tačka 62.** Informacija o mjerama provodjenja zaključaka Skupštine Bosansko-podrinjskog kantona Goražde iz oblasti obrazovanja. Predlažem da glasi: Informacija o provodjenju mjera i zaključaka Skupštine Bosansko-podrinjskog kantona Goražde iz oblasti obrazovanja.

**Tačka 68.** Izvještaj o realizaciji izgradnje stambenih objekata od strane Turske razvojne agencije TIKA. Ja bih pored obradivača: Ministarstvo za urbanizam, prostorno uređenje i zaštitu okoline BPK-a Goražde dodao i Ministarstvo za boračka pitanja.

U diskusiji, po Nacrtu Programa rada Skupštine Bosansko-podrinjskog kantona Goražde za 2010. godinu, učestvovala je Džemidžić Envera.

**Žuga Damir** – Komisija za mlade, u skladu sa Programom rada Skupštine, uradila je Analizu i položaj mladih u BiH s akcentom na Bosansko-podrinjski kanton Goražde, kompletirala dokument koji se sastoji od pet segmenata i poslala ga Vladi sa jednim zaključkom i poslanicama Skupštine 10. decembra 2009. godine. Vjerovatno zbog opterećenosti radom Stručne službe, mi nemamo nikakvih primjedbi da ovo bude razmatrano u I tromjesečju naredne godine i da na osnovu ovog dokumenta Vlada sačini Akcioni plan.

Klub poslanika Stranke za Bosnu i Hercegovinu predlaže da se isprave slijedeće tehničke greške u Nacrtu Programa rada Skupštine Bosansko-podrinjskog kantona Goražde za 2010. godinu:

- **Tačka 8.** – Prijedlog Odluke o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za 2010. godinu, da se briše jer se razmatra danas na sjednici Skupštine;
- **Tačka 19.** - Informacija o utrošku sredstava prema programima na koje je dala saglasnost Skupština Bosansko-podrinjskog kantona Goražde, predlažemo da se na kraju dodaju riječi: „za 2009. godinu“;
- **Tačka 46.** – Izvještaj o radu i finansijskom poslovanju javnih ustanova i preduzeća čiji je osnivač Bosansko-podrinjski kanton Goražde, predlažemo da se na kraju dodaju riječi: „za 2009. godinu“;
- **Tačka 56.** – Plan razvoja medija na Kantonu. Predlažemo da obradivač bude i Ministarstvo za privredu BPK-a Goražde;
- **Tačka 69.** da se briše, a da ostane tačka 94. Iz kojeg razloga? Upravo zbog godišnje sjednice Skupštine.
- **Tačka 75.** – Informacija o realizaciji projekta zapošljavanja u općinama Bosansko-podrinjskog kantona Goražde sa posebnim akcentom zapošljavanja demobilisanih boraca, kroz implementaciju sredstava sektora za razvoj Ministarstva privrede Bosansko-podrinjskog kantona Goražde i Službe za zapošljavanje Goražde. Na kraju rečenice dodati između riječi: „zapošljavanje“ i „Goražde“ riječi: „Bosansko-podrinjskog kantona“.
- **Tačka 78.** – Stanje privrede u Bosansko-podrinjskom kantonu Goražde. Treba da stoji: Izvještaj o stanju privrede u Bosansko-podrinjskom kantonu Goražde;
- **Tačka 94.** – Izvještaj o radu stalnih, povremenih i privremenih radnih tijela Skupštine Bosansko-podrinjskog kantona Goražde. Predlažemo da se na kraju dodaju riječi: „za 2010. godinu“.

Klub poslanika Stranke za Bosnu i Hercegovinu predlaže da se Program rada Skupštine za 2010. godinu dopuni sa slijedećim tačkama:

### **1/ Zakon o spomenicima u Bosansko-podrinjskom kantonu Goražde**

Predlagač: Vlada Bosansko-podrinjskog kantona Goražde  
Obradivač: Ministarstvo za obrazovanje, nauku, kulturu i sport i Ministarstvo za

boračka pitanja BPK-a Goražde  
R o k: II tromjesečje

## **2/ Zakon o srednjoj školi**

Predlagač: Vlada Bosansko-podrinjskog kantona Goražde  
Obradivač: Ministarstvo za obrazovanje, nauku, kulturu i sport BPK-a Goražde  
R o k: I tromjesečje

## **3/ Informacija Kantonalnog tužilaštva o radu za 2009. godinu**

Predlagač: Kantonalno tužilaštvo Goražde  
Obradivač: Kantonalno tužilaštvo Goražde  
R o k: I tromjesečje

## **4/ Izvještaj o radu Kantonalne uprave Civilne zaštite za 2009. godinu**

Predlagač: Vlada Bosansko-podrinjskog kantona Goražde  
Obradivač: Kantonalna uprava Civilne zaštite  
R o k: I tromjesečje

## **5/ Strategija borbe protiv kriminala i korupcije u Bosansko-podrinjskom kantonu Goražde**

Predlagač: Vlada Bosansko-podrinjskog kantona Goražde  
Obradivač: Vlada Bosansko-podrinjskog kantona Goražde  
R o k: II tromjesečje

## **6/ Informacija o radu Kantonalnog suda Goražde za 2009. godinu**

Predlagač: Kantonalni sud Goražde  
Obradivač: Kantonalni sud Goražde  
R o k: I tromjesečje

## **7/ Informacija o radu Općinskog suda Goražde za 2009. godinu**

Predlagač: Općinski sud Goražde  
Obradivač: Općinski sud Goražde  
R o k: I tromjesečje

### **Bašić Redžo**

**Tačka 40.** – Odluka o dodjeli-prodaji stambenih jedinica u naselju Vitkovići i u Goraždu rok piše: budžetska godina. Predlažem da rok bude I tromjesečje.

**Tačka 56.** – Plan razvoja medija na Kantonu – II tromjesečje. Predlažem da se da se u I tromjesečju razmatra: Analiza stanja u medijima na području Bosansko-podrinjskog kantona Goražde.

**Tačka 57.** – Informacija o aktivnostima izgradnje sanitarne deponije za područje Bosansko-podrinjskog kantona Goražde.

Pitam ima li Odluka o određivanju lokacije sanitarne deponije za Bosansko-podrinjski kanton Goražde, bar za područje Bosansko-podrinjskog kantona Goražde, obzirom da je Nacrt

Prostornog plana u pripremi, zato što se mogu dobiti sredstva putem Federalnog Ministarstva za okoliš i mogu se dobiti sredstva za tu gradnju sanitarne deponije.

**Tačke 91. i 92.** – Odluka o proglašenju Modrana kao posebnog obilježja za Kanton u turističkom, sportskom i rekreativnom dijelu i Odluka o izdvajanju kamenoloma u Vojnićima i šumskog zemljišta u nadležnosti Općine planirane su u IV tromjesečju, a Nacrt Prostornog plana uveliko teče.

Predlažem da ove odluke idu u I tromjesečje i što prije, a posebno u ovom dijelu nismo ispoštovali zakonske odredbe za proglašenje područja posebnog obilježja za Kanton i zaštitili, a obaveza je po Zakonu o zaštiti prirode 16% područja Kantona staviti pod zaštitu. U Nacrtu Prostornog plana koji je u pripremi nemamo ni jedno područje kako treba pokriveno odlukama i zato sve ovo treba uraditi u I tromjesečju kako bi sve to ušlo u Nacrt Prostornog plana koji će doći na Skupštinu. Imamo: Stolac, Borovac, Crni vrh, dijelove prema Grepku koji će ostati neperspektivna vojna lokacija, Kamp u Vrtačama koji se nigdje ne spominje, jer je sagradjen na šumskom zemljištu, pa je upitno dalje šta će biti sa njim.

/Sjednici prisustvuje 21 poslanik/

**Begović Alija** – predsjedavajući Skupštine

Pošto se niko više ne javlja za riječ, zaključujem raspravu po Nacrtu Programa rada Skupštine Bosansko-podrinjskog kantona Goražde za 2010. godinu i predlažem da donesemo slijedeći zaključak:

1/ Utvrđuje se Nacrt Programa rada Skupštine Bosansko-podrinjskog kantona Goražde za 2010. godinu,

2/ Zadužuje se Kolegij Skupštine Bosansko-podrinjskog kantona Goražde, da u roku od 30 dana, pristupi izradi Prijedloga Programa rada Skupštine Bosansko-podrinjskog kantona Goražde za 2010. godinu,

3/ Prilikom izrade Prijedloga Programa rada Skupštine Bosansko-podrinjskog kantona Goražde za 2010. godinu, Kolegij će uzeti u obzir sve prijedloge i sugestije iznesene u toku rasprave po Nacrtu Programa rada Skupštine Bosansko-podrinjskog kantona Goražde za 2010. godinu,

4/ Kolegij Skupštine Bosansko-podrinjskog kantona Goražde Prijedlog Programa rada Skupštine Bosansko-podrinjskog kantona Goražde za 2010. godinu uskladit će sa Programom rada Vlade Bosansko-podrinjskog kantona Goražde za 2010. godinu,

5/ Zadužuje se Vlada Bosansko-podrinjskog kantona Goražde da, u najkraćem roku, Kolegiju Skupštine Bosansko-podrinjskog kantona Goražde dostavi Program rada Vlade Bosansko-podrinjskog kantona Goražde za 2010. godinu.

Ko je za ovakav zaključak, molim, da digne ruku? /21 poslanik/

Ima li neko protiv? /Niko/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 21 glasom „za“ usvojila slijedeće:

### **Z a k l j u č k e**

1/ Utvrđuje se Nacrt Programa rada Skupštine Bosansko-podrinjskog kantona Goražde za 2010. godinu,

2/ Zadužuje se Kolegij Skupštine Bosansko-podrinjskog kantona Goražde, da u roku od 30 dana, pristupi izradi Prijedloga Programa rada Skupštine Bosansko-podrinjskog kantona Goražde za 2010. godinu,

3/ Prilikom izrade Prijedloga Programa rada Skupštine Bosansko-podrinjskog kantona Goražde za 2010. godinu, Kolegij će uzeti u obzir sve prijedloge i sugestije iznesene u toku rasprave po Nacrtu Programa rada Skupštine Bosansko-podrinjskog kantona Goražde za 2010. godinu,

4/ Kolegij Skupštine Bosansko-podrinjskog kantona Goražde Prijedlog Programa rada Skupštine Bosansko-podrinjskog kantona Goražde za 2010. godinu uskladit će sa Programom rada Vlade Bosansko-podrinjskog kantona Goražde za 2010. godinu,

5/ Zadužuje se Vlada Bosansko-podrinjskog kantona Goražde da, u najkraćem roku, Kolegiju Skupštine Bosansko-podrinjskog kantona Goražde dostavi Program rada Vlade Bosansko-podrinjskog kantona Goražde za 2010. godinu.

#### **Tačka 4.-**

Prelazimo na 4-tu tačku dnevnog reda: Prijedlog Budžeta Bosansko-podrinjskog kantona Goražde za 2010. godinu.

Obrazloženje po Prijedlogu Budžeta Bosansko-podrinjskog kantona Goražde za 2010. godinu dao je premijer Bosansko-podrinjskog kantona Goražde Nazif Uruči.

**Džemidžić Envera** – predsjednica Komisije za budžet, finansije i administrativna pitanja Skupštine BPK-a Goražde

Iznijet ću stav Komisije za budžet, finansije i administrativna pitanja Skupštine Bosansko-podrinjskog kantona Goražde po sva četiri materijala koji će se razmatrati u nastavku ove sjednice.

Komisija za budžet, finansije i administrativna pitanja Skupštine Bosansko-podrinjskog kantona Goražde na sjednici održanoj 29. decembra 2009. godine razmatrala je materijale za godišnju sjednicu Skupštine, pa je na osnovu člana 45. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, donijela slijedeći:

#### **Z a k l j u č a k**

1/ Predlaže se Skupštini Bosansko-podrinjskog kantona Goražde da vodi raspravu o Prijedlogu Budžeta Bosansko-podrinjskog kantona Goražde za 2010. godinu.

2/ Predlaže se Skupštini Bosansko-podrinjskog kantona Goražde da vodi raspravu o Prijedlogu Zakona o izvršenju Budžeta Bosansko-podrinjskog kantona Goražde za 2010. godinu.

3/ Predlaže se Skupštini Bosansko-podrinjskog kantona Goražde da vodi raspravu o Prijedlogu Odluke o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za 2010. godinu.

4/ Predlaže se Skupštini Bosansko-podrinjskog kantona Goražde da vodi raspravu o Prijedlogu Odluke o privremenom finansiranju Zavoda za zdravstveno osiguranje Bosansko-podrinjskog kantona Goražde za period 01. 01. – 31. 03. 2010. godine.

Još ću istać, u ime Kluba poslanika Stranke za Bosnu i Hercegovinu i svoje ime da Budžet Bosansko-podrinjskog kantona Goražde za 2010. godinu nema obrazloženja.

**Begović Alija** – predsjednik Ustavne i zakonodavno-pravne komisije

Prijedlog Budžeta Bosansko-podrinjskog kantona Goražde za 2010. godinu razmatrala je Ustavna i zakonodavno-pravna komisija Skupštine Bosansko-podrinjskog kantona Goražde i zauzela slijedeći:

## S t a v

Prijedlog Budžeta Bosansko-podrinjskog kantona Goražde za 2010. godinu u skladu je sa odredbama Zakona o budžetima/proračunima u Federaciji Bosne i Hercegovine /"Službene novine Federacije BiH", broj: 19/06/, pravno je utemeljen i postoji potreba za njegovim donošenjem.

Predlaže se Skupštini Bosansko-podrinjskog kantona Goražde da vodi raspravu o Prijedlogu Budžeta Bosansko-podrinjskog kantona Goražde za 2010. godinu.

**Halilović Adis** – Htio sam samo da sugerišem resornom Ministarstvu, kada govorimo o opštem dijelu, član 1. mislim da je tehnička greška. Član 1. i 2. su na prvoj strani, a na posljednjoj strani je član 5. i 6. Mislim da umjesto 5. i 6. treba da stoji član 3. i 4.

**Terović Dževad** – U skladu sa članom 140. Poslovnika Skupštine Bosansko-podrinjskog kantona Goražde na Prijedlog Budžeta Bosansko-podrinjskog kantona Goražde za 2010. godinu podnosim slijedeći:

## A m a n d m a n

Planirana sredstva na ekonomskom kodu 614400 – Subvencije javnim ustanovama za zdravstvo sa planiranih 250.000,00 KM da se povećaju za 150.000,00 KM i da ukupno iznose 400.000,00 KM.

Ova sredstva planirati za potrebe Kantonalne bolnice Goražde i saniranja njenog teškog finansijskog stanja, a na teret ukupnog povećanja budžetskih rashoda za 2010. godinu, tako da ona ukupno iznose 40.281.680,00 KM, odnosno povećati planirane prihode na ekonomskog kodu 717121 – Prihodi od indirektnih prihoda koji pripadaju Kantonu za 150.000,00 KM.

Nakon eventualnog prihvatanja ovog Amandmana ukupni prihodi Bosansko-podrinjskog kantona Goražde iznosili bi 40.281.680,00 KM, odnosno bili bi uravnoteženi sa rashodima.

U diskusiji po Prijedlogu Budžeta Bosansko-podrinjskog katnona Goražde za 2010. godinu učestvovao je Frašto Emir.

**Obuća Bajro** – Pored diskusije po Prijedlogu Budžeta Bosansko-podrinjskog kantona Goražde za 2010. godinu istakao je je slijedeće, u članu 5. stoji: „Ovlašćuje se Ministarstvo za finansije Bosansko-podrinjskog kantona Goražde da izvrši tehničke ispravke u tekstu Prijedloga Odluke. Predlažem da Ministarstvo za finansije ispravi tehničke greške: u naslovu stoji Budžet za 2010. godinu, da se ispravi za 2010. godinu, zatim u zbirnom prikazu su obje kolone sa istim naslovom, da se u srednjoj koloni napiše da je to Budžeta za 2010. godinu, a ne isto kao u prvoj.

Dalje, u diskusiji, po Prijedlogu Budžeta Bosansko-podrinjskog kantona Goražde za 2010. godinu, učestvovao je Imamović Ibrahim.

**Žuga Damir** - U skladu sa članom 140., 141. i 142. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde“, broj: 10/08/, podnosim na Prijedlog Budžeta Bosansko-podrinjskog kantona Goražde za 2010. godinu slijedeći:

## A m a n d m a n I

1/ Da se kod Ministarstva za privredu na ekonomskom kodu 615100 „Kapitalni grantovi nižim nivoima vlasti“ planirani iznos od 150.000 KM poveća na 450.000 KM /tj. za 300.000 KM/ i to namjenski za finansiranje izgradnje sanitarne deponije za područje Bosansko-podrinjskog kantona Goražde koja je od kantonalnog interesa, a planirana je u Budžetu Općine Goražde za period 2009.-2011. godina i za finansiranje vodosnadbijevanja vodovoda „Starac“.

Sredstva obezbijediti kroz ukupno povećanje Budžeta za 2010. godinu i to kroz Potpore-grantove.

### **O b r a z l o ž e n j e**

Prijedlogom Budžeta Bosansko-podrinjskog kantona Goražde za 2010. godinu na ekonomskom kodu Ministarstva za privredu 615100 – Kapitalni grantovi nižim nivoima vlasti planiran je iznos od 150.000 KM. Općina Goražde se obraćala pismenim zahtjevom u više navrata nadležnim kantonalnim vladinim ministarstvima za pomoć u sufinansiranju započetih kapitalnih projekata vodosnadbijevanja tj. vodovod „Starac“ kao i za izgradnju sanitarne deponije koja je i predložena u Budžetu Općine Goražde za period 2009.-2011. godina, kako su i planirana sredstva za kapitalne projekte kao potpora Budžetu Bosansko-podrinjskog kantona Goražde u 2010. godini. Potrebno je da se za ove namjene i predvide određena sredstva, bilo je usmenih dogovora da će se ti projekti sufinansirati obzirom da su od interesa za cijeli Kanton. Po tom osnovu Općina Goražde nije dobila nikakva sredstva u Prijedlogu Budžeta za 2010. godinu. Potrebno je da se ovaj iznos sredstava poveća za 300.000 KM, a da se ta sredstva planiraju za navedene projekte koji su u postupku realizacije. O izgradnji navedene sanitarne deponije se govori i u Programu rada Skupštine Bosansko-podrinjskog kantona Goražde za 2010. godinu.

U skladu sa članom 140., 141. i 142. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, podnosim na Prijedlog Budžeta Bosansko-podrinjskog kantona Goražde za 2010. godinu slijedeći:

### **A m a n d m a n II**

Da se na Ekonomskom kodu Ministarstva za obrazovanje, nauku, kulturu i sport 614100 – KAN 001 „Trasfer za sport“ koji je u Budžetu za 2010. godini bio planiran u iznosu od 300.000 KM poveća za 30.000 KM, tako da on iznosi 330.000 KM.

Predlažemo da se sredstva od 10.000 KM obezbijede sa korisnika Vlade Kantona i to sa ekonomskog koda 600000 – Tekuća budžetska rezerva i da se sredstva od 20.000 KM obezbijede sa korisnika Skupština Kantona ekonomski kod 614300 Transfer za parlamentarne političke partije, što je ukupno 30.000 KM.

### **O b r a z l o ž e n j e**

Sportski klubovi unutar Sportskog saveza BPK-a Goražde su u proteklom periodu napravili dobar sportski pomak u odnosu na predhodne godine. Smatram da je to /sportski uspjesi naših sportista/ došlo kao rezultat ulaganja vlasti u sport i mislim da nismo pogriješili što to radimo na ovaj način. Sredstva koja skidamo nekom sa jednog koda i dajemo na drugi kod za sport, djeci i našoj omladini, ja mislim da je pravo ulaganje i nikom neće faliti.

**Turčalo Mehmed** – Na osnovu člana 140. stav 2. i člana 141. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, podnosim slijedeći:

### **A m a n d m a n**

Na Prijedlog Budžeta Bosansko-podrinjskog kantona Goražde za 2010. godinu

Da se sa ekonomskih kodova:

1/ Vlada Kantona – Ekonomski kod 600000 – „Tekuća budžetska rezerva“ skine iznos od 15.000 KM.

2/ Ministarstvo za privredu – Ekonomski kod 822500 – „Učešće u zajedničkim ulaganjima UNHCR, SERDA, IPA“ skine iznos od 15.000 KM.

Da se ova sredstva povećaju na ekonomskom kodu Ministarstva za socijalnu politiku, zdravstvo, raseljena lica i izbjeglice 61400 JAO 002 – Subvencije javnim ustanovama /Dom za stara i iznemogla lica/ koji je planiran u ukupnom iznosu od 80.000 KM poveća na 110.000 KM.

### **O b r a z l o Ź e n j e**

Teška je situacija i dalje u J.U. „Dom za stara i iznemogla lica“, populacija koja svakodnevno koristi usluge ove Ustanove su ljudi koji sigurno trebaju, prije svega, našu pomoć i to u većoj mjeri. Puno je razloga da se bar na ovaj način pomogne ovoj Javnoj ustanovi.

Adžem Memsur - na osnovu člana 140. stav 2. i člana 141. Poslovnika Skupštine Bosansko-podrinjskog kantona Goraže /“Službene novine Bosansko-podrinjskog kantona Goražde“, broj: 10/08/, podnosim slijedeći:

#### **A m a n d m a n**

Na Prijedlog Budžeta Bosansko-podrinjskog kantona Goražde za 2010. godinu

Da se sa Ekonomskog koda Ministarstva za privredu – Ekonomski kod 614300 HAP 001 „Subvencije javnim preduzećima“ skine iznos od 50.000 KM.

Da se ova sredstva povećaju na Ekonomskom kodu Direkcije za ceste 613700 – „Izdaci za tekuće održavanje“ koji je planiran u ukupnom iznosu od 518.000 KM, predlažem da se poveća na 568.000 KM /povećanje za 50.000 KM/.

Kumro Mensud - Na osnovu člana 140. stav 2. i člana 141. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, podnosim slijedeći:

#### **A m a n d m a n**

Na Prijedlog Budžeta Bosansko-podrinjskog katnona Goražde za 2010. godinu

Da se sredstva kod Ministarstva za socijalnu politiku, zdravstvo, raseljena lica i izbjeglice ekonomski kod 614400 – JAO 001 – Subvencije javnim preduzećima /Kantonalni zavod zdravstvenog osiguranja/ koji je planiran u ukupnom inosu od 1.303.500 KM poveća na 2.303.500 KM /povećanje za 1.000.000 KM/ i to kroz ukupno povećanje Budžeta Bosansko-podrinjskog kantona Goražde za 2010. godinu tj. kroz potporu našem Kantonu sa viših nivoa vlasti /grant/.

### **O b r a z l o Ź e n j e**

1/ za sanaciju finansijskih gubitaka Kantonalne bolnice.

2/ za realizaciju donešenih Zaključaka ove Skuptšine po pitanju zdravstva potrebno je mislim najmanje 1 milion KM. Predlažem da se taj dio sredstava pokuša obezbijediti kroz ukupno povećanje Budžeta za 2010. godinu /kroz grant/ ili da Vlada Bosansko-podrinjskog kantona Goražde sama odredi iz kojih sredstava obezbijediti ova finansijska sredstva za realizaciju skupštinskih Zaključaka.

Dalje, u diskusiji, po Prijedlogu Budžeta Bosansko-podrinjskog kantona Goražde za 2010. godinu, učestvovao je: Frašto Emir.

Obuća Bajro – U Budžetu i u Zakonu o izvršenju Budžeta Bosansko-podrinjskog kantona Goražde govori se o transferima udruženjima građana. Termin udruženja građana po Zakonu ne postoji. Po Zakonu o udruženjima i fondacijama isključivo se govori o udruženjima. Ne znam da li

je to u skladu sa propisima iz računovodstvenih oblasti, ali po meni to treba uskladiti. Konkretno je to u budžetu kod 614300 dva puta pomenuto u tabeli zbirni rashodi i kod budžetskog korisnika na Vladi Kantona i u Zakonu o izvršenju Budžeta član 36. stav 4. Ako je moguće da se riječ „gradjana“ briše. Po meni je dovoljno – Transfer udruženjima.

Predlažem da obavimo raspravu i po Zakonu o izvršenju Budžeta Bosansko-podrinjskog kantona Goražde za 2010. godinu pa da damo jednu dužu pauzu Vladi Kantona koja će se izjasniti o amandmanima, pa da se nakon te pauze odredimo po Prijedlogu Budžeta BPK-a Goražde za 2010. godinu i Zakonu o izvršenju Budžeta Bosansko-podrinjskog kantona Goražde za 2010. godinu.

#### **Tačka 5.-**

Prelazimo na 5-tu tačku dnevnog reda: Prijedlog Zakona o izvršenju Budžeta Bosansko-podrinjskog kantona Goražde za 2010. godinu /hitan postupak/

**Uruči Nazif** – premijer Bosansko-podrinjskog kantona Goražde

Imamo tehničku ispravku u članu 39. Prijedloga Zakona o izvršenju Budžeta Bosansko-podrinjskog kantona Goražde za 2010. godinu iza pozicije „Podsticaj poljoprivrednoj proizvodnji – Mljekara“ dodaje pozicija: „Podsticaj poljoprivrednoj proizvodnji Mesopromet“ jer je ispušteno prilikom kucanja.

U članu 44. Prijedloga Zakona o izvršenju Budžeta Bosansko-podrinjskog kantona Goražde za 2010. godinu vrši se tehnička ispravka tako što se iza riječi: „za programe utroška sredstava iz člana 36“, dodaju riječi: „stav 4.“, a briše se „38“, tako da stav 1. glasi: „Nadležni korisnici budžetskih sredstava obavezni su od Vlade Kantona tražiti saglasnost za programe utroška sredstava iz člana 36. stav 4., 39., 40., 41., 42. i 43. ovog Zakona, a programe utroška sredstava na koje je Vlada Kantona dala saglasnost obavezni su dostaviti Ministarstvu za finansije“.

**Imamović Ibrahim** - Na Prijedlog Zakona o izvršenju Budžeta Bosansko-podrinjskog kantona Goražde za 2010. godinu, ulažem slijedeći:

#### **A m a n d m a n**

U članu 19. stav 3. i 4. stoji: – Ministar za finansije može bez prethodnog donošenja rješenja o obustavi od izvršenja privremeno, a najduže do 30 dana obustaviti izvršenje, ukoliko smatra da je akt koji je pravni osnov za izvršenje u suprotnosti sa važećim propisima ili pravilima struke.

„Ministar za finansije u slučaju iz prethodnog stava dostavlja odgovarajuću informaciju tražiocu izvršenja u kojoj ukazuje na nepravilnosti a tražilac izvršenja je obavezan da se u roku od 15 dana očituje po navodima iz dostavljene informacije“.

Moj Amandman je da se ovo briše, jer ministar ima dovoljno instrumenata da ovo obustavi, a onaj koji donosi takve nezakonite akte i krivično da odgovara.

/Na sjednicu došao poslanik Kožo Mersudin/

**Begović Alija** – predsjedavajući Skupštine

Pošto se niko više ne javlja za riječ, zaključujem raspravu po Prijedlogu Budžeta Bosansko-podrinjskog kantona Goražde za 2010. godinu i Prijedlogu Zakona o izvršenju Budžeta Bosansko-podrinjskog kantona Goražde za 2010. godinu i dajem pauzu od sat vremena.

/Završena pauza/

**Begović Alija** – predsjedavajući Skupštine

Potrebno je da čujemo očitovanje Vlade Bosansko-podrinjskog kantona Goražde o našim amandmanima.

**Sijerčić Emir** – sekretar Vlade BPK-a Goražde

Vlada je razmatrala amandmane na Budžet Bosansko-podrinjskog kantona Goražde za 2010. godinu i Prijedlogu Zakona o izvršenju Budžeta Bosansko-podrinjskog kantona Goražde za 2010. godinu. Što se tiče Budžeta Bosansko-podrinjskog kantona Goražde za 2010. godinu Vlada nije prihvatila niti jedan od predloženih amandmana.

Vlada Bosansko-podrinjskog kantona Goražde je prihvatila Amandman poslanika Imamović Ibrahima na Zakon o izvršenju Budžeta Bosansko-podrinjskog kantona Goražde za 2010. godinu da se u članu 19. briše stav 3. i 4.

Prvi Amandman je bio poslanika Dževada Terovića, a odnosi se na povećanje sredstava u iznosu od 150.000 KM. Opšti stav Vlade je da se ne treba povećavati rashodovna strana Budžeta bez izvjesnih sredstava na prihodovnoj strani, što je u principu i kod ovog Amandmana. Znači, povećala bi se rashodovna strana na ovom Ekonomskog kodu kod Ministarstva za socijalnu politiku, a prihodi nisu izvjesni.

To je jedan od argumenata što Vlada nije prihvatila ovaj Amandman, a drugi je što Vlada u saradnji sa Zavodom zdravstvenog osiguranja planira izvjesna sredstva koja će odmah u januaru plasirati Bolnici u cilju izmirenja njihovih tekućih gubitaka, odnosno tekućih troškova koji nisu pokriveni. To je razlog zašto ovaj Amandman nije prihvaćen.

Drugi Amandman je bio poslanika Žuga Damira, a odnosi se na povećanje sredstava na Ekonomskom kodu 615100 „Kapitalni grantovi nižim nivoima vlasti“ sa 150.000 KM na 450.000 KM, a isti bi se iskoristili za rješavanje vodosnadbijevanja „Starac“ i regionalnu deponiju.

Isto tako, obrazloženje Vlade je da bi se sa ovim Amandmanom povećala rashodovna sredstva Budžeta, a da nije predloženo sa kojih prihoda bi se pokrilo to povećavanje rashodovne strane. Smatramo da se iz tih razloga ovaj Amandman ne može prihvatiti.

Slijedeći Amandman Damira Žuge odnosio se na povećanje Ekonomskog koda 614100 u Ministarstvu za obrazovanje, nauku, kulturu i sport sa 300.000 KM, na 330.000 KM, tako što bi se smanjila budžetska rezerva za 10.000 KM i za 20.000 transfer za parlamentarne političke partije.

Obrazloženje za neprihvatanje ovog Amandmana je u tome da su sredstva predviđena na budžetskoj rezervi Vlade Kantona sasvim mala i iznose svega 40.000 KM i da bi svako umanjivanje ovog Ekonomskog koda predstavljalo dodatni problem u slučaju da se pojave neke situacije u kojima treba reagovati iz budžetske rezerve, a što se tiče transfera za parlamentarne političke partije, jednostavno, mislimo da je slijedeća izborna godina i da političke partije prema važećim zakonskim propisima treba da imaju obezbjeđena sredstva za svoje aktivnosti. Iz tih razloga nismo prihvatili umanjivanje na ovom Ekonomskom kodu.

Slijedeći Amandman je poslanika Turčalo Mehmeda koji je predložio da se, takodje, sa budžetske rezerve skinu sredstva od 15.000 KM i 15.000 KM iz Ministarstva za privredu – Ekonomski kod 822500 – „Učešće u zajedničkim ulaganjima i da se ta sredstva nadomjeste Subvencije javnim ustanovama /Dom za stara i iznemogla lica/, odnosno ukupno povećanje sa 80.000 KM na 110.000 KM.

Obrazloženje za budžetsku rezervu bilo bi kao i kod prvog Amandmana, a drugo, 15.000 KM sa zajedničkih projekata, prema mišljenju ministra za privredu i sredstva koja su predviđena na ovom Ekonomskom kodu su nedostatna za sve planirane aktivnosti vezano za

zajednička ulaganja sa ovim organizacijama, tako da bi svako umanjivanje sa ovog koda dovelo u pitanju realizaciju već postojećih ugovorenih projekata.

Sljedeći Amandman je bio Amandman poslanika Adžem Memsura koji je tražio da se sa Ekonomskog koda Ministarstva za privredu – Ekonomski kod 614300 „Subvencije javnim preduzećima“ skine iznos od 50.000 KM i isti doda na Ekonomski kod Direkcije za ceste 613700 – „Izdaci za tekuće održavanje“, tako da bi ukupno sredstva na tom kodu iznosila 568.000 KM.

Vlada, takodje, nije prihvatila ovaj Amandman, jer smatramo da i ekonomski kod 614300 „Subvencije javnim preduzećima“ takodje ima određene programe i projekte predviđene u ovoj godini za koje i sredstva koja su predviđena na ovom Ekonomskom kodu su nedostatna i da svako umanjivanje ne bi bilo dobro da se umanjuje, jer i preduzeća na našem Kantonu, zaista, imaju puno problema u svom funkcionisanju.

Sljedeći Amandman je Amandman Kumro Mesuda koji je tražio 1.000.000 KM povećanje na Ekonomskom kodu 614400 „Subvencije javnim preduzećima /Kantonalni zavod zdravstvenog osiguranja/, obzirom da smo na početku rekli da je Vlada na stanovištu da nije moguće u ovom momentu povećavati rashodovnu stranu bez izvjesnih prihoda i, takodjer, smatra da ovaj Amandman u ovom momentu nije prihvatljiv za Vladu.

**Begović Alija** – predsjedavajući Skupštine

Ostaje nam da se izjasnimo o amandmanima predloženim na Budžet Bosansko-podrinjskog kantona Goražde za 2010. godinu.

Stavljam na glasanje Amandman g-dina Terović Dževada.

Ko je za, molim, da digne ruku? /9 poslanika/

Ima li neko protiv? /Niko/

Da li se neko uzdržao od glasanja? /12 poslanika/

Konstatiram da sa 9 glasova „za“ i 12 „uzdržanih“ glasova Skupština Bosansko-podrinjskog kantona Goražde nije prihvatila Amandman g-dina Terović Dževada.

Stavljam na glasanje I Amandman g-dina Žuga Damira.

Ko je za, molim, da digne ruku? /8 poslanika/

Ima li neko protiv? /Niko/

Da li se neko uzdržao od glasanja? /13 poslanika/

Konstatiram da sa 8 glasova „za“ i 13 „uzdržanih“ glasova Skupština Bosansko-podrinjskog kantona Goražde nije prihvatila I Amandman g-dina Žuga Damira.

Stavljam na glasanje II Amandman g-dina Žuga Damira.

Ko je za, molim, da digne ruku? /9 poslanika/

Ima li neko protiv? /1 poslanik/

Da li se neko uzdržao od glasanja? /11 poslanika/

Konstatiram da sa 9 glasova „za“, 1 „protiv“ i 11 „uzdržanih“ glasova Skupština Bosansko-podrinjskog kantona Goražde nije prihvatila II Amandman g-dina Žuga Damira.

Stavljam na glasanje Amandman g-dina Turčalo Mehmeda.

Ko je za, molim, da digne ruku? /8 poslanika/

Ima li neko protiv? /Niko/  
Da li se neko uzdržao od glasanja? /13 poslanika/

Konstatiram da sa 8 glasova „za“ i 13 „uzdržanih“ glasova Skupština Bosansko-podrinjskog kantona Goražde nije prihvatila Amandman g-dina Turčalo Mehemda.

Stavljam na glasanje Amandman g-dina Adžem Memsura.

Ko je za, molim, da digne ruku? /8 poslanika/  
Ima li neko protiv? /Niko/  
Da li se neko uzdržao od glasanja? /13 poslanika/

Konstatiram da sa 8 glasova „za“ i 13 „uzdržanih“ glasova Skupština Bosansko-podrinjskog kantona Goražde nije prihvatila Amandman g-dina Adžem Memsura.

Stavljam na glasanje Amandman g-dina Kumro Mesuda.

Ko je za, molim, da digne ruku? /8 poslanika/  
Ima li neko protiv? /11 poslanika/  
Da li se neko uzdržao od glasanja? /2 poslanika/

Konstatiram da sa 8 glasova „za“, 11 „protiv“ i 2 „uzdržana“ glasa Skupština Bosansko-podrinjskog kantona Goražde nije prihvatila Amandman g-dina Kumro Mesuda.

Stavljam na glasanje Budžet Bosansko-podrinjskog kantona Goražde za 2010. godinu.

Ko je za, molim, da digne ruku? /13 poslanika/  
Ima li neko protiv? /7 poslanika/  
Da li se neko uzdržao od glasanja? /1 poslanik/

Konstatiram da je Skupština Bosansko-podrinjskog kantona Goražde sa 13 glasova „za“, 7 „protiv“ i 1 „uzdržanim“ glasom usvojila Budžet Bosansko-podrinjskog kantona Goražde za 2010. godinu.

Stavljam na glasanje Zakon o izvršenju Budžeta Bosansko-podrinjskog kantona Goražde za 2010. godinu.

Ko je za, molim, da digne ruku? /13 poslanika/  
Ima li neko protiv? /Niko/  
Da li se neko uzdržao od glasanja? /8 poslanika/

Konstatiram da je Skupština Bosansko-podrinjskog kantona Goražde sa 13 glasova „za“ i 8 „uzdržanih“ glasova usvojila Zakon o izvršenju Budžeta Bosansko-podrinjskog kantona Goražde za 2010. godinu.

#### **Tačka 6.-**

Prelazimo na 6-tu tačku dnevnog reda: Prijedlog Odluke o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za 2010. godinu.

**Begović Alija** – predsjedavajući Skupštine

Otvaram raspravu po ovoj tački dnevnog reda.  
Pošto se niko ne javlja za riječ, zaključujem raspravu i pozivam poslanike da se izjasnimo dizanjem ruke.

Ko je za, molim, da digne ruku? /21 poslanik/  
Ima li neko protiv? /Niko/  
Da li se neko uzdržao od glasanja? /Niko/.

Konstatiram da je Skupština Bosansko-podrinjskog kantona Goražde, jednoglasno, sa 21 glasom „za“ usvojila Odluku o davanju saglasnosti na Finansijski plan J.U. Službe za zapošljavanje Bosansko-podrinjskog kantona Goražde za 2010. godinu.

#### **Tačka 7.-**

Prelazimo na 7-mu tačku dnevnog reda: Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. – 31. 03. 2010. godine.

Obrazloženje po Prijedlogu Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. – 31. 03. 2010. godine dao je predsjednik Upravnog odbora Zavoda zdravstvenog osiguranja Bosansko-podrinjskog kantona Goražde Emir Sijerčić.

U diskusiji po Prijedlogu Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. – 31. 03. 2010. godine učestvovao je Begović Alija.

Pošto se niko ne javlja za riječ, zaključujem raspravu i pozivam poslanike da se izjasnimo dizanjem ruke.

Ko je za, molim, da digne ruku? /13 poslanika/  
Ima li neko protiv? /Niko/  
Da li se neko uzdržao od glasanja? /8 poslanika/.

Konstatiram da je Skupština Bosansko-podrinjskog kantona Goražde, sa 13 glasova „za“ i 8 „uzdržanih“ glasova usvojila Odluku o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. – 31. 03. 2010. godine.

Predsjedavajući Skupštine Bosansko-podrinjskog kantona Goražde uputio je svim građanima Bosansko-podrinjskog kantona Goražde čestitku za Novu godinu, građanima katoličke vjeroispovjesti čestitao je katolički Božić, a građanima pravoslavne vjeroispovjesti nastupajući pravoslavni Božić.

Pošto je dnevni red iscrpljen predsjedavajući Skupštine Bosansko-podrinjskog kantona Goražde zaključio je godišnju sjednicu Skupštine Kantona u 15:30 sati.

**SEKRETAR SKUPŠTINE**

Bašić Midhat

**PREDSJEDAVAJUĆI SKUPŠTINE**

Begović Alija